

গণপ্রজাতন্ত্রী বাংলাদেশ সরকার  
মহাপরিচালকের কার্যালয়  
যুব উন্নয়ন অধিদপ্তর  
১০৮ মতিঝিল বা/এ, ঢাকা-১০০০।  
[www.dyd.gov.bd](http://www.dyd.gov.bd)

যুব উন্নয়ন অধিদপ্তরের প্রধান কার্যালয়ে গঠিত ইনোভেশন টিমের ১১/০৮/২০১৬ খ্রিঃ তারিখে অনুষ্ঠিত ১৪ তম সভার কার্যবিবরণী :

সভাপতি : মোঃ এরশাদ উর-রশীদ  
পরিচালক(দাঃ বিঃ ও ঋণ) এবং ইনোভেশন অফিসার, যুব উন্নয়ন অধিদপ্তর, ঢাকা।  
স্থান : পরিচালকের অফিস কক্ষ।  
তারিখ ও সময় : ১১ আগস্ট ২০১৬ ; সকাল ১১.০০ ঘটিকায়।

উপস্থিত সদস্যগণের নামের তালিকা পরিশিষ্ট “ক” তে সংযুক্ত।

সভাপতি উপস্থিত সকল সম্মানিত সদস্যদের স্বাগত জানিয়ে সভার কাজ শুরু করেন। সভাপতির অনুরোধক্রমে উপ-পরিচালক জনাব মোঃ আব্দুর রেজ্জাক বিগত সভার কার্যবিবরণী পাঠ করেন। কার্যবিবরণীতে কোন সংশোধনী না থাকায় তা গৃহীত হয়। কমিটির সদস্য সচিব সভাকে অবহিত করেন যে, বিগত সভায় ৫টি সুপারিশ গৃহীত হয়েছিল। গৃহীত সুপারিশ পর্যালোচনা পর্যায়ে জানানো হয় যে, যারা মেন্টর হিসাবে নিয়োজিত হয়েছেন তন্মধ্যে সভাপতি মোঃ এরশাদ-উর-রশীদ তাঁর আওতাভুক্ত ১টি উপজেলার (বেকারমুক্ত গ্রাম) রূপসা উপজেলা ইনোভেটরের সাথে যোগাযোগ রেখেছেন এবং তাকে প্রয়োজনীয় পরামর্শ প্রদান করেছেন। রূপসা উপজেলার পাইলটিং এর মেয়াদ সেপ্টেম্বর ১৬ তে শেষ হবে। কমিটির সদস্য সচিব জনাব মোঃ আব্দুর রেজ্জাক সভাকে জানান যে তার আওতাধীন মেলান্দহ উপজেলা বেকার মুক্ত গ্রাম সৃজনের জন্য নির্বাচন করা হয়েছিল। সম্প্রতি মেলান্দহ উপজেলার উপজেলা যুব উন্নয়ন কর্মকর্তাকে (ইনোভেটর) ইসলামপুরে বদলি করা হয়েছে এবং তথায় ন্যাশনাল সার্ভিস কার্যক্রম চলমান রয়েছে তাই ইনোভেটরের পক্ষে এ কাজ করা সম্ভব হবে না। তিনি চলতি মাস থেকে গুলশান ইউনিট থানার মেন্টর হিসাবে দায়িত্ব পালন করছেন। সহকারী পরিচালক (আইসিটি) জনাব সালেহ উদ্দিন আহমেদ সভাকে জানান যে, যুব উন্নয়ন অধিদপ্তরের প্রধান কার্যালয় ও মাঠ পর্যায়ের সকল অনুষ্ঠানের তথ্যচিত্র সোসাল মিডিয়ায় নিয়মিত প্রচার করা হচ্ছে। যুব উন্নয়ন অধিদপ্তরের ওয়েবসাইটে innovation page হালনাগাদ করা হয়েছে। আগামী সভায় সোসাল মিডিয়ায় কি ধরণের প্রচারণা চলছে তার একটি বিবরণ পেশের বিষয়ে অভিমত ব্যক্ত করা হয়। উপপরিচালক(প্রশিক্ষণ) জনাব মাসুদা আকন্দ সভাকে জানান যে, তিনি তাঁর দায়িত্বপ্রাপ্ত উপজেলায় নিয়মিত মেন্টরিং অব্যাহত রেখেছেন।

সভায় আলোচনা হয় যে, ইনোভেশন টিমের ২০১৬ সালের বার্ষিক কর্মপরিকল্পনা যথা সময়ে তৈরী করে যুব উন্নয়ন অধিদপ্তরের ওয়েবসাইটে প্রকাশ করা হয়েছে এবং মন্ত্রণালয়ে প্রেরণ করা হয়েছে। ইনোভেশন টিমের বার্ষিক কর্মপরিকল্পনা অনুযায়ী প্রতি মাসে ইনোভেশন টিমের সভা অনুষ্ঠিত হচ্ছে। ইনোভেশন টিমের সদস্যগণ মাঠ পর্যায়ের ইনোভেটরদের কার্যক্রম মেন্টর হিসাবে মনিটরিং এর কাজ অব্যাহতভাবে করে যাচ্ছেন। তবে অধিকতর সচেতনভাবে এবং আন্তরিকতার সাথে এ দায়িত্ব পালনের বিষয়ে আলোচনা হয়। ইনোভেশনের বার্ষিক কর্মপরিকল্পনার অংশ হিসাবে মাঠ পর্যায়ের ইনোভেটরদের সমন্বয়ে গত জুন ২০১৬ মাসে ২টি কর্মশালা অনুষ্ঠিত হয়েছে।

সভাপতি সভাকে অবহিত করেন যে, এটুআই প্রোগ্রামের ফরমস বাতায়নের একটি সভা সম্প্রতি জনপ্রশাসন মন্ত্রণালয়ে অনুষ্ঠিত হয়েছে। যুব উন্নয়ন অধিদপ্তরের প্রশিক্ষণ আবেদন অনলাইনে সাবমিশনের প্রক্রিয়াটি তথায় অর্ন্তভুক্ত রয়েছে। প্রশিক্ষনের আবেদন অনলাইনে সাবমিশন প্রক্রিয়া করার লক্ষ্যে একটি সফটওয়্যার তৈরীর জন্য এটুআই এর রাউন্ড ৭ হতে অনুদান ও পাওয়া গেছে। কাজেই বিষয়টির দ্বৈততা হবে কিনা সে বিষয়ে মহাপরিচালক মহোদয়ের মাধ্যমে এটুআইকে অবহিত করার বিষয়ে আলোচনা হয়। এছাড়া ফরমস বাতায়নে অধিদপ্তরের যে সমস্ত ফরমসগুলো রয়েছে সেগুলো হতে বাস্তবায়ন শাখার ৪টি ফরম, দারিদ্র বিমোচন শাখার ২টি ফরম, প্রশিক্ষণ শাখার ১টি ফরম ও ন্যাশনাল সার্ভিস শাখার ১টি ফরমসহ মোট ৮টি ফরম ফরমস বাতায়নে দেয়ার উপর আলোচনা অনুষ্ঠিত হয়। সভায় যুব উন্নয়ন অধিদপ্তরের সংশ্লিষ্ট শাখার উপপরিচালক ও সহকারী পরিচালক পর্যায়ের কর্মকর্তাদের আমন্ত্রণ জানানো হয়। সকলের অংশগ্রহণে এ ব্যাপারে প্রাণবন্ত আলোচনা অনুষ্ঠিত হয়।

সভাপতি ইনোভেশন টিমের সদস্যদের মেন্টরিং বিষয়ে অভিমত প্রকাশ করেন যে, যিনি যে ইনোভেটরকে মেন্টরশীপ দেবেন তাকে অবশ্যই কাজের শুরু হতে শেষ পর্যন্ত বিভিন্ন ধাপ, সময় ও করণীয় নির্ধারণ করে নির্ধারিত সময়ের মধ্যে অভিষ্ট লক্ষ্যে নিয়ে যাওয়ার লক্ষ্যে অব্যাহতভাবে কাজ করবেন। সভাকে অবহিত করা হয় যে, মন্ত্রণালয়ের চাহিদানুযায়ী ইতোমধ্যে (১) প্রাতিষ্ঠানিক প্রশিক্ষণ কোর্সের ক্লাশ রুমে Smart Board স্থাপন (২) যুব উন্নয়ন অধিদপ্তরের প্রধান কার্যালয়ে ইনোভেটিভ আইডিয়াসহ অন্য সকল পরামর্শ গ্রহণের লক্ষ্যে একটি “পরামর্শ বক্স” স্থাপন (৩) ঋণ কার্যক্রমের সিস্টেম জেনারেটেড রিপোর্ট প্রণয়ন ও অন লাইনে প্রেরণ (৪) মোবাইল ব্যাংকের মাধ্যমে যুব ঋণের কিস্তি আদায় (৫) প্রাতিষ্ঠানিক ও অপ্রাতিষ্ঠানিক কোর্সের শিরোনামে কোড নম্বর ব্যবহার (৬) ট্রেনিং অন বোট (হাওড়/চর এলাকায় অনগ্রসর দরিদ্র যুবদের জন্য) (৭) সমাজ বিরোধী কর্মকান্ডে সামাজিক আন্দোলন গড়ে তোলার লক্ষ্যে যুব সংগঠন ও অধিদপ্তরের সেবা গ্রহনকারীদের পরামর্শ ও মতবিনিময়ের জন্য “যুব আড্ডা” নামে একটি ওয়েব পেজ চালু করা




(৮) SDGs বাস্তবায়নে যুব সংগঠনের সদস্য ও সংগঠকদের সম্পৃক্তকরণঃ র্যালি (রোড শো) আয়োজন (৯) যুববাক্তব পরিকল্পনা প্রণয়ন ডেমোগ্রাফিক ডিভিডেন্ট কাজে লাগিয়ে টেকসই উন্নয়ন (১০) সঠিক ও নির্ভুল তথ্যপ্রবাহ যুগোপযোগী পরিকল্পনা প্রণয়নের মূলভিত্তি (১১) PRL এ গমনের পূর্ব প্রস্তুতি সম্পর্কে কর্মকর্তা/কর্মচারীদের অবহিতকরণ (১২) মাঠ পর্যায়ের কর্মকর্তাগণের নৈমিত্তিক ছুটি online এ আবেদন এবং ছুটি হিসাব রেজিস্টারে সংরক্ষণ। এ পর্যন্ত মোট ১২টি ইনোভেটিভ আইডিয়া মন্ত্রণালয়ে পাঠানো হয়েছে।

বিস্তারিত আলোচনার পর নিম্নবর্ণিত সুপারিশ সমূহ গৃহীত হয়।

**সুপারিশ :**

- ০১। ইনোভেশন টিমের প্রত্যেক সদস্য কর্তৃক মেন্টর হিসেবে পালনীয় দায়িত্ব আলোচনা ও পরামর্শ মাফিক যথাযথভাবে পালন অব্যাহত রাখা এবং কমপক্ষে ১ টি উপজেলার ইনোভেটরকে অব্যাহত মেন্টরশীপ প্রদান বাধ্যতামূলক;
- ০২। প্রতিমাসে দুইটি আইডিয়া মন্ত্রণালয়ে পাঠানোর ব্যবস্থা নেয়া;
- ০৩। প্রাপ্ত এস আই এফ ফান্ডের যথাযথ ব্যবহার নিশ্চিত করা;
- ০৪। চলতি বছরের জন্য গৃহীত বার্ষিক কর্মপরিকল্পনা বাস্তবায়নে সময়োপযোগী উদ্যোগ গ্রহণ;
- ০৫। সোসাল মিডিয়ায় প্রচার কার্যক্রম প্রতিমাসের সভায় সুস্পষ্টভাবে উপস্থাপন;
- ০৬। ফরমস বাতায়নে প্রদেয় ফরম কর্তৃপক্ষের অনুমোদনক্রমে নির্ধারণ ইত্যাদি।

অতঃপর আর কোন আলোচ্য বিষয় না থাকায় সভাপতি উপস্থিত সকলকে ধন্যবাদ জানিয়ে সভার কাজ শেষ করেন।



(মোঃ এরশাদ-উর-রশীদ)  
পরিচালক(দাঃ বিঃ ও ঋণ)

ও

ইনোভেশন অফিসার

ফোনঃ ৯৫৬১৩৫৩


e-mail: [ershad.dyd@gmail.com](mailto:ershad.dyd@gmail.com)

তারিখঃ ০৬/০৯/২০১৬খ্রিঃ

স্মারক নং-৩৪.০১.০০০০.০০৮.৩১.০১৭.১৫ - ১৫

সদয় অবগতি ও প্রয়োজনীয় ব্যবস্থা গ্রহণের জন্যঃ

- ০১। চীফ ইনোভেশন অফিসার, যুব ও ক্রীড়া মন্ত্রণালয়, বাংলাদেশ সচিবালয়, ঢাকা।
- ০২। জনাব----- সদস্য, ইনোভেশন টিম, যুব উন্নয়ন অধিদপ্তর, ঢাকা।
- ০৩। মহাপরিচালক মহোদয়ের ব্যক্তিগত সহকারী, যুব উন্নয়ন অধিদপ্তর, ঢাকা।
- ০৪। সংশ্লিষ্ট নথি।



(মোঃ আব্দুর রেজ্জাক)  
উপপরিচালক(প্রোগ্রামার)

ও

সদস্য সচিব, ইনোভেশন টিম

ফোনঃ ৯৫১৪৯৭৭

e-mail: [razzaque1966@gmail.com](mailto:razzaque1966@gmail.com)

**পরিশিষ্ট “ক”**

২১/০৭/২০১৬ তারিখ সকাল ১১.০০ ঘটিকায় অনুষ্ঠিত ইনোভেশন টিমের সভায় উপস্থিত সম্মানিত সদস্যগণের তালিকাঃ

ক্রমিক নং	নাম ও পদবী	স্বাক্ষর
১	জনাব মোঃ আব্দুর রেজ্জাক উপপরিচালক(প্রোগ্রামার)	অস্পষ্ট
২	জনাব মাসুদা আকন্দ উপপরিচালক (প্রশিক্ষণ)	অস্পষ্ট
৩	সৈয়দ আবদুল কাইয়ুম উপপরিচালক(পরিকল্পনা)(চঃদাঃ)	অস্পষ্ট
৪	ফরহাত নূর উপপরিচালক(বাস্তবায়ন)(চঃদাঃ)	অস্পষ্ট
৫	জনাব সালেহ উদ্দিন আহমেদ সহকারী পরিচালক(আইসিটি)	অস্পষ্ট
৬	জনাব শাহীনুর রহমান সহকারী পরিচালক (দাঃ বিঃ ও ঋণ)	অস্পষ্ট